




**CONCELLO
DE
MEAÑO**

CP 36968
(PONTEVEDRA)



ORDENANZA REGULADORA DA TAXA POR SERVICIOS DE DISTRIBUCIÓN DE AUGA, GAS, ELECTRICIDADE E OUTROS ABASTECEMENTOS PÚBLICOS INCLUÍDOS OS DEREITOS DE ENGANCHE DE LIÑAS E COLOCACIÓN E UTILIZACIÓN DE CONTADORES E INSTALACIÓNS ANÁLOGAS, CANDO DITOS SERVICIOS OU SUBMINISTROS SEXAN PRESTADOS POR ENTIDADES LOCAIS

Artigo 1º. Natureza e fundamento

No uso das facultades concedidas polos artigos 133.2 e 142 da Constitución, polo artigo 106 da Lei 7/85, de 2 de abril, reguladora das bases do réxime local, e os artigos 20 e 58 da Lei 39/88, de 28 de decembro, e de conformidade co disposto nos artigos 15 a 19 da Lei 39/88, de 28 de decembro, acorda a imposición e ordenación da **Taxa por servicios de distribución de auga, gas, electricidade e outros abastecementos públicos incluídos os dereitos de enganche de liñas e colocación e utilización de contadores e instalacións análogas, cando ditos servicios ou subministros sexan prestados por entidades locais.**

Artigo 2º. Feito imponible

Constitúen o feito imponible da Taxa a prestación dos servicios de distribución de auga, gas, electricidade e outros abastecementos públicos incluídos os dereitos de enganche de liñas e colocación e utilización de contadores e instalacións análogas.

Artigo 3º. Suxeitos pasivos

- Serán suxeitos pasivos contribuíntes as persoas físicas ou xurídicas e as entidades ás que se refire o artigo 33 da Lei xeral tributaria que ocupen ou utilicen as vivendas e locais situados nos lugares, prazas, rúas ou vías públicas nas que se preste o servicio, xa sexa a título de propietario ou de usufrutuário, habitacionista, arrendatario ou incluso de precario.
- Terán a consideración de suxeitos pasivos substitutos do contribuínte os propietarios das vivendas ou locais que poderán repercutir, no seu caso, as cotas satisfeitas sobre os usuarios daquelas, beneficiarios do servicio.


Artigo 4º. Responsables



**CONCELLO
DE
MEAÑO**

CP 36968

(PONTEVEDRA)



– Serán responsables solidarias das obrigas tributarias dos suxeitos pasivos as persoas físicas e xurídicas ás que se refiren os artigos 38.1 e 39 da Lei xeral tributaria.

– Serán responsables subsidiarios os administradores das sociedades e os síndicos, interventores ou liquidadores de quebras, concursos, sociedades e entidades en xeral, nos supostos e co alcance que sinala o artigo 40 da Lei xeral tributaria.

Artigo 5º. Cota tributaria

A cota desta taxa será a que figura no anexo desta ordenanza.

Artigo 6º. Beneficios fiscais

Só se admitirán os beneficios que veñan establecidos nas normas con rango de lei ou deriven de tratados ou acordos internacionais.

Artigo 7º. Percepción

A) Cando se trate de servicios non periódicos:

Percíbese a taxa e nace a obriga de contribuír cando se presente a solicitude de prestación do servizo ou actividade.

B) Cando se trate de servicios periódicos:

Percíbese a taxa e nace a obriga de contribuír o primeiro día de cada ano natural, excepto no momento da alta no padrón, caso no que se percibirá a partir dese mesmo momento.

Artigo 8º. Liquidación


A) Cando se trate de servicios non periódicos:

- Cando se trate de servicios ou actividades cunha liquidación que se poida cuantificar no momento de presenta-la solicitude de prestación, liquidarase nese mesmo momento ou no momento posterior, pero sempre antes de presta-lo servizo ou de realiza-la actividade.



**CONCELLO
DE
MEAÑO**

CP 36968
(PONTEVEDRA)



– Cando se trate de servizos ou actividades cunha liquidación que non se poida cuantificar no momento de presenta-la solicitude da prestación do servizo ou da realización da actividade, practicarase a liquidación unha vez prestado o servizo ou realizada a actividade.

– Se se realiza a prestación do servizo ou a actividade sen mediar solicitude, liquidarase e notificarase a taxa tan pronto se detecte esta situación, esixíndose o ingreso nos prazos previstos no Regulamento xeral de recadación para a liquidación de contraído previo, sen prexuízo de abri-lo oportuno expediente sancionador por infracción tributaria.

B) Cando se trate de servizos periódicos:

Practicarase a liquidación única anual ou coa periodicidade que se determine nas tarifas desta taxa.

Artigo 9º. Ingreso

O pagamento desta taxa realizarase:

– Cando se trate de liquidacións cunha cuantificación que se poida efectuar antes de presta-lo servizo ou de levar a cabo a actividade, realizarase o ingreso antes da prestación do servizo ou realización da actividade na Tesourería municipal ou nas entidades financeiras que se sinalen na liquidación.

– Cando se trate de liquidacións cunha cuantificación que non se poida efectuar con anterioridade á prestación do servizo ou realización da actividade, farase o ingreso nos prazos e lugares que se sinalen na liquidación.

– Cando se trate de liquidacións periódicas, nos prazos e nos lugares que se sinalen no edicto de exposición ó público.

Artigo 10º. Infraccións e sancións

Nesta materia estarase ó disposto na Lei xeral tributaria e normativa de desenvolvemento.

Artigo 11º. Normas de xestión



**CONCELLO
DE
MEAÑO**

CP 36968

(PONTEVEDRA)



– As persoas ou entidades interesadas na prestación dos servizoos que se citan no artigo segundo desta ordenanza, deberán presentar solicitude por escrito na que se detalle o lugar para o que se solicita e demais requisitos que esixa cada concello.

– Unha vez autorizada a prestación do servizo entenderase prorrogado mentres non se presente a declaración de baixa polo interesado, a non ser que se trate de servizoos non periódicos.

– Cando remate a necesidade do servizo, por cambio de propietario ou declaración de ruína do inmovible, os suxeitos pasivos substitutos do contribuínte formularán as declaracións de baixa no padrón da taxa e surtirán efectos no período natural seguinte ó da súa presentación, podendo, no seu caso, prorratearse polo período de liquidación das tarifas. A non presentación da baixa determinará a obriga de continuar aboando a taxa.

DISPOSICIÓN ADICIONAL ÚNICA

Cando existan os convenios de colaboración ós que fai referencia o artigo 27.2 da Lei 39/88, do 28 de decembro, os procedementos de liquidación e recadación regulados nos artigos 8 e 9 desta ordenanza cederán ante a regulación prevista nos convenios.

DISPOSICIÓN FINAL

A presente ordenanza fiscal, cunha redacción definitiva aprobada polo Pleno da corporación na sesión que tivo lugar na data que se expresa no anexo a esta ordenanza, entrará en vigor o día 1 de xaneiro de 1999.



**CONCELLO
DE
MEAÑO**

CP 36968
(PONTEVEDRA)



ANEXO

MODIFICADA

Primeiro. Tarifa.

PARA APLICACION DA ORDENANZA DA TAXA POR SERVICIOS DE DISTRIBUCION DE AUGA, GAS, ELECTRICIDADE E OUTROS ABASTECIMENTOS PUBLICOS INCLUIDOS OS DEREITOS DE ENGANCHE DE LIÑAS E COLOCACION E UTILIZACION DE CONTADORES E INSTALACIONES ANALOGAS, CANDO DITOS SERVICIOS OU SUBMINISTROS SEXAN PRESTADOS POR ENTIDADES LOCAIS:

<u>Concepto</u>	<u>Pts.</u>
SERVICIO DE DISTRIBUCION DE AUGA:	
<u>Por conexión ó servicio de distribución de auga</u>	
NOVA CONEXION O SERVICIO OU ENGANCHE	50.000
<u>Consumo de auga</u>	
CONSUMO INFERIOR A 250.000 litros/ano	4.000
CONSUMO SUPERIOR A 250.000 litros/ano	4.000 pts. + 50 pts. por cada 1.000 litros que supere esta cantidade
CONSUMO IGUAL OU SUPERIOR A 500.000 litros/ano	15.500 pts. + 75 pts. por cada 1.000 litros que supere esta cantidade

Segundo. Outras normas especiais de xestión.

A INSTALACION DE CONEXION O SERVICIO ASI COMA A INSTALACION DO CONTADOR SERAN REALIZADAS E A CARGO DOS USUARIOS.

Terceiro. Data de aprobación.

DILIXENCIA:

Póñoa eu, Secretaria-Interventora do Ilmo. Concello de Meaño, para facer constar que a imposición e aprobación da presente Ordenanza Fiscal Reguladora da taxa por servicio de distribución de auga, gas, electricidade e outros abastecementos públicos incluídos os dereitos de enganche de liñas e colocación e utilización de contadores e instalacións análogas, candi ditos servicios ou subministros sexan prestados por entidades locais, foi aprobada provisionalmente polo Pleno da Corporación en sesión extraordinaria de data 28 de setembro de 1998.

Meaño, 29 de setembro de 1998



C O N C E L L O

DE
ME A Ñ O

C. P. 36968
(PONTEVEDRA)

PARA APLICACIÓN DA ORDENANZA DA TAXA POR SERVICIOS DE DISTRIBUCIÓN DE AUGA, GAS, ELECTRICIDADE E OUTROS ABASTECIMENTOS PÚBLICOS INCLUIDOS OS DEREITOS DE ENGANCHE DE LIÑAS E COLOCACIÓN E UTILIZACIÓN DE CONTADORES E INSTALACIÓNS ANÁLOGAS, CANDO DITOS SERVICIOS OU SUBMINISTROS SEXAN PRESTADOS POR ENTIDADES LOCAIS.

Primeiro.- Tarifa:

Concepto

Euros

POLO SERVICIO DE DISTRIBUCIÓN DE AUGA:

Nova conexión ou enganche:

300,00

POR CONSUMO DE AUGA:

Consumo inferior a 250.000 l. / ano

36,00

Consumo superior a 250.000 l. / ano

36,00 + 0,30 por cada
1.000 l. que supere esta
cantidade

Consumo igual ou superior a 500.000 l./ano

90,00 + 0,45 por cada
1.000 l. que supere esta
cantidade

Segundo.- Outras normas especiais de xestión.

A INSTALACIÓN DE CONEXIÓN O SERVICIO ASÍ COMA A INSTALACIÓN DO CONTADOR SERÁN REALIZADAS E A CARGO DOS USUARIOS.

Terceiro.- Data de aprobación.-

A presente modificación que afecta á tarifa da Ordenanza Reguladora desta taxa, aprobada polo Pleno da Corporación en sesión de data 30-09-02, entrará en vigor o día seguinte da publicación do texto íntegro no Boletín Oficial da Provincia e será de aplicación a partir do 1 de xaneiro de 2003.

DILIXENCIA:

Elebado a definitivo o acordo provisorio, ó non presentarse reclamacións ó expediente, mediante acordo da Alcaldía de data 21 de novembro de 2002 e publicado o texto íntegro da modificación no Boletín Oficial da Provincia de data 5 de decembro de 2002.

Meaño, 9 de decembro de 2002

Secretaría-Intervención



CONCELLO DE MEAÑO (Pontevedra)

C.P. 36968 • Rúa Campo da Feira nº 1 • Teléfs.: 986 74 71 02 - 986 74 75 85 • Fax: 986 74 73 91
Email: concellodemeano@terra.es • Web: www.concellodemeano.com

D^a M^a TERESA ESCUDERO BARRAL, Secretaria -Interventora do Ilmo. Concello de Meaño (Pontevedra).

CERTIFICO:

Que o Pleno da Corporación, en sesión ordinaria de data 10 de outubro de 2011, entre outros, adoptou o seguinte acordo:

“4º.- MODIFICACIÓN DA ORDENANZA FISCAL REGULADORA DA TAXA POLA PRESTACIÓN DO SERVIZO DE DISTRIBUCIÓN DE AUGA.

O Sr. alcalde-presidente da conta aos membros presentes da Corporación da proposta de modificación do anexo-tarifa da taxa pola prestación do servizo de distribución de auga, nos seguintes termos:

POLO SERVIZO DE DISTRIBUCIÓN DE AUGA:	EUROS
Nova conexión ou enganche:	300,00
POR CONSUMO DE AUGA:	
Consumo inferior a 200.000 l./ano	48,00
Consumo superior a 200.000 l./ano	48,00 + 0,30 por cada 1.000 l. que supere esta cantidade.
Consumo igual ou superior a 500.000 l./ano	90,00 + 0,45 por cada 1.000 l. que supere esta cantidade.

Gozando dunha dedución do 25% da cota tributaria as familias numerosas empadroadas neste municipio cando o consumo anual non supere os 200.000 litros/ano.

Engadindo que no Concello de Meaño as tarifas actuais véñense aplicando desde xaneiro de 2003 e como pode observarse do estudo comparativo confeccionado pola Mancomunidade do Salnés, son as máis baixas da comarca, resultando 3€/20m³/mes.

Sometido o asunto a deliberación toma a palabra o Sr. Pazos Castro quen sinala que estas subidas deberían ser paulatinas e non de golpe, xa que supoñen un incremento do 33%. Engadindo que se incrementan os tramos máis baixos e o último tramo non varía e que os tramos de consumo non deberían ser fixos xa que considera que non contribúen ao aforro da auga.

Toma a palabra a Sra. García Fernández, quen sinala que se modifica o consumo que afecta as familias pero non se modifica a tarifa no tramo de consumo igual ou superior aos 500.000 l./ano, que afecta as industrias e a hostelería, que se debería revisar para obter maiores ingresos.

Contesta o Sr. alcalde quen sinala que, as tarifas que se propoñen foron calculadas tendo en conta o consumo medio dunha familia para usos domésticos e de modo que o seu importe se aproxime ao custo previsible do servizo tendo en conta os criterios xenéricos da capacidade económica da poboación beneficiaria e introducindo unha variable de tipo social como son as familias numerosas. Engadindo en relación coa tarifa do tramo de maior consumo que se pretende apoiar ao sector industrial e hosteleiro.

Rematadas as intervencións e sometido o asunto a votación ordinaria, o Pleno da Corporación aceptando o ditame proposta da Comisión Especial de Contas, con dous

votos en contra do/a Sr./a García Fernández e Pazos Castro, e por nove votos a favor, acorda:

1º Modifica-lo anexo, coa modificación da tarifa e regulación de deduccions da taxa polo servizo de distribución de auga, quedando como segue:

“PARA A APLICACIÓN DA ORDENANZA DA TAXA POR SERVIZO DE DISTRIBUCIÓN DE AUGA.

Primeiro.- Tarifa:

Concepto:

POLO SERVIZO DE DISTRIBUCIÓN DE AUGA:	EUROS
Nova conexión ou enganche:	300,00
POR CONSUMO DE AUGA:	
Consumo inferior a 200.000 l./ano	48,00
Consumo superior a 200.000 l./ano supere	48,00 + 0,30 por cada 1.000 l. que esta cantidade.
Consumo igual ou superior a 500.000 l./ano	90,00 + 0,45 por cada 1.000 l. que supere esta cantidade.

Segundo.- Deduccions no importe:

1. As familias numerosas empadroadas neste municipio que acrediten formalmente tal condición, de acordo coa normativa de aplicación na materia, e cando o consumo anual non supere os 200.000 litros/ano, gozarán dunha dedución do 25% cota tributaria desta taxa.

2. Enténdese por familia numerosa a que reúna as condicións establecidas pola normativa vixente.

3. O titular do recibo terá dereito á dedución da cota á que se refire o punto primeiro, logo de solicitude dirixida ao Sr. alcalde do Concello de Meaño e acompañada da documentación seguinte:

a) Copia do DNI

b) Certificado de empadramento

c) Carné de familia numerosa ou título acreditativo, expedido pola Administración competente.

4. No caso de non resultar acreditadas as circunstancias que dan dereito á dedución, o Concello, logo de audiencia ao interesado, dictará a oportuna resolución denegándoa.

5. A dedución será practicada no seguinte período de facturación, tendo en conta a data da solicitude da dedución, a partir de que esta sexa efectiva.

6. Calquera modificación das circunstancias que deron lugar ó aproveitamento da dedución deberá ser comunicado polo interesado ao Concello. A perda do dereito a dedución será efectiva a partir do período seguinte de recibo ó que a devandita modificación teña lugar.

Terceiro.- Outras normas especiais de xestión:

A instalación de conexión ao servizo así coma a instalación do contador serán realizadas e a cargo dos usuarios.

Cuarto.- Data de aprobación e aplicación:

A presente Modificación que afecta á tarifa da Ordenanza Fiscal Reguladora desta taxa, aprobada polo Pleno da Corporación en sesión de data 10 de outubro de 2011, entrará en vigor o día seguinte da publicación do seu texto íntegro no Boletín Oficial da Provincia e será de aplicación a partir do día 1 de xaneiro de 2012, permanecendo en vigor ata a súa modificación ou derogación expresa.”



CONCELLO DE MEAÑO (Pontevedra)

C.P. 36968 • Rúa Campo da Feira nº 1 • Teléfs.: 986 74 71 02 - 986 74 75 85 • Fax: 986 74 73 91
Email: concellodemearno@terra.es • Web: www.concellodemearno.com

2º/ Aprobar provisionalmente a modificación do anexo, nos termos sinalados no apartado 1º deste acordo, da Ordenanza Fiscal reguladora da Taxa por servizo de distribución de auga.

3º/ Expoñer ó público o presente acordo mediante edictos publicados no Boletín Oficial da Provincia, Taboleiro de Anuncios e na páxina Web do Concello de Meaño durante trinta días hábiles para os efectos de que os interesados poidan examinalo expediente e presenta-las reclamacións que consideren oportunas, entendéndose definitivamente adoptado este acordo, sen necesidade de novo acordo, de non presentarse reclamacións ao mesmo.”

E para que así conste e para os efectos de unir ao expediente, expido e asino a presente coa reserva dos termos que resulten da aprobación definitiva da acta desta sesión, ao abeiro do artigo 206 do ROF, de orde e co visto e praxe do Sr. Alcalde, en Meaño a vinte e catro de outubro de dous mil once.

Vº e Praxe
O Alcalde



